



## PELAWAAN PERMOHONAN ASEAN-CHINA YOUNG LEADERS SCHOLARSHIP (ACYLS) TAHUN 2020

---

1. Jabatan Perkhidmatan Awam (JPA) ingin **mempelawa warganegara Malaysia yang berkelayakan untuk memohon ASEAN-China Young Leaders Scholarship (ACYLS) tahun 2020** bagi mengikuti pengajian di peringkat Sarjana, Ph.D atau program penyelidikan jangka pendek di salah satu daripada 22 universiti di China seperti disenaraikan dalam *Guidebook of ACYLS* (muka surat 9) yang dilampirkan.
2. Dengan mengambil kira situasi semasa penularan wabak COVID-19 di Malaysia dan peringkat global serta nasihat daripada Kementerian Kesihatan Malaysia untuk menangguhkan perjalanan sementara ke negara berisiko termasuklah China, adalah diingatkan bahawa sebarang keputusan untuk memohon serta menyambung pengajian di China adalah **menjadi tanggungjawab dan kerelaan pemohon sendiri**.
3. Syarat-syarat kelayakan permohonan oleh warganegara Malaysia adalah seperti mana yang terkandung di dalam *Guidebook of ACYLS* (muka surat 4 & 5) yang dilampirkan. Selain daripada syarat kelayakan tersebut, **syarat-syarat tambahan seperti di Lampiran I** juga hendaklah dipenuhi dan dipatuhi oleh pemohon yang terdiri daripada **penjawat awam**.
4. Semua pemohon yang berminat dan memenuhi syarat-syarat yang ditetapkan hendaklah **mengisi borang permohonan secara dalam talian** di laman web ACYLS melalui pautan <http://www.csc.edu.cn/studyinchina> atau <http://www.campuschina.org>. Borang permohonan yang telah lengkap diisi melalui pautan ini hendaklah **dimuat turun dan dicetak serta dilampirkan bersama-sama dengan dokumen-dokumen lain yang diperlukan** seperti mana yang dinyatakan di dalam *Guidebook of ACYLS* (muka surat 10).
5. Pada masa yang sama, pemohon juga dikehendaki untuk **mengisi borang permohonan secara dalam talian** di portal eSila JPA melalui pautan <http://esilav2.jpa.gov.my> **bermula daripada 17 Mac 2020**. Borang permohonan yang telah lengkap diisi melalui pautan ini hendaklah **dimuat turun, dicetak dan ditandatangani** oleh pemohon dan dikepilkhan bersama-sama dengan dokumen-dokumen lain yang dinyatakan di perenggan 4 di atas. Ruangan perakuan Ketua

Jabatan di penghujung borang permohonan yang telah dimuat turun, dicetak dan ditandatangani oleh pemohon tersebut hendaklah:

- i) Dibiarkan kosong / tidak dilengkapkan bagi permohonan oleh Warganegara Malaysia yang bukan penjawat awam;
  - ii) Dilengkapkan, disahkan dan ditandatangani oleh Ketua Jabatan / Ketua Perkhidmatan masing-masing bagi permohonan daripada penjawat awam.
6. Dokumen permohonan lengkap seperti yang dinyatakan di perenggan 4 dan 5 hendaklah dikemukakan secara serahan tangan atau pos **sebelum atau pada 27 Mac 2020** oleh pemohon sendiri (bagi bukan penjawat awam) atau Ketua Jabatan / Perkhidmatan (bagi penjawat awam) kepada:

Ketua Pengarah Perkhidmatan Awam  
Jabatan Perkhidmatan Awam  
Bahagian Pembangunan Modal Insan  
Aras 3, Blok C2, Kompleks C  
62510 PUTRAJAYA  
**(u.p.: Unit Pengurusan Penawaran Dalam Perkhidmatan)**

Bagi permohonan daripada penjawat awam, Ketua Jabatan / Ketua Perkhidmatan juga perlu **melengkapkan dan mengemukakan Borang Laporan Panel Pembangunan Sumber Manusia Kementerian/ Jabatan – JPA(L) LDP 1A/96 (LAMPIRAN B)** selain daripada dokumen-dokumen permohonan yang dinyatakan di atas semasa mengemukakan pencalonan pegawai masing-masing.

7. Permohonan dengan dokumen yang tidak lengkap atau diterima selepas tarikh tutup permohonan atau tidak memenuhi syarat yang ditetapkan atau tidak dikemukakan melalui Ketua Jabatan / Ketua Perkhidmatan **tidak akan diproses oleh JPA** untuk tujuan pencalonan kepada pihak Kerajaan China. Pemilihan akhir calon untuk ditawarkan ACYLS adalah tertakluk kepada keputusan oleh pihak Kerajaan China.
8. Sebarang pertanyaan lanjut berhubung permohonan ACYLS tahun 2020 ini boleh dirujuk kepada pegawai penyelaras di talian 03 – 88853569/3879 atau emel [penawaranldp@jpa.gov.my](mailto:penawaranldp@jpa.gov.my)

\*\*\*\*\*

**SYARAT-SYARAT PERMOHONAN ASEAN-CHINA YOUNG LEADERS  
SCHOLARSHIP (ACYLS) TAHUN 2020 BAGI PENJAWAT AWAM**

- 1) Berumur tidak melebihi **45 tahun pada 1 September 2020**;
- 2) Pegawai-pegawai Kerajaan **Kumpulan Pengurusan dan Profesional yang sedang berkhidmat dalam perkhidmatan tetap sekurang-kurangnya untuk tempoh 5 tahun** (dikira sehingga 1 Januari 2020);
- 3) Telah **disahkan dalam skim perkhidmatan terkini** pada tarikh tutup permohonan;
- 4) Mempunyai **penguasaan Bahasa Inggeris yang baik**;
- 5) Mencapai markah **Laporan Nilaian Prestasi Tahunan (LNPT) purata 85 markah ke atas bagi tempoh genap 3 tahun skim perkhidmatan terkini berturut-turut (2017, 2018 & 2019)**. Penilaian setahun LNPT hendaklah genap 12 bulan;
- 6) Tidak mengikuti kursus sederhana di luar negara dalam **tempoh satu (1) tahun kebelakangan** atau kursus panjang dalam **tempoh dua (2) tahun kebelakangan** (dikira dari 1 Januari 2020);
- 7) Bersih daripada pertuduhan/tindakan tatatertib dan bebas daripada dakwaan Mahkamah;
- 8) Telah **mengisyiharkan harta**;
- 9) **Tidak tersenarai dalam senarai hitam** pinjaman atau biasiswa JPA;
- 10) **Disahkan sihat tubuh badan / mental** serta bebas daripada sebarang penyakit;
- 11) **Tidak mendapat penajaan (pinjaman atau biasiswa) daripada mana-mana penaja lain** bagi pengajian di bawah program ini; dan
- 12) Mengikuti **pengajian di peringkat yang lebih tinggi daripada kelayakan akademik sedia ada** yang dimiliki pegawai.